

Il chantun Grischun sa preschenta a l'Expo Milaun 2015

■ (cc) A l'exposiziun mundiala da l'onn 2015 a Milaun vul il Grischun sa mussar da sia meglra vart. Il chantun duai vegnir percepi sco lieu attractiv en secturs-clav impurtants. Partenaris interessads èn envidads da sa participar a la preschentaziun. Dal 1. da matg fin ils 31 d'october 2015 ha lieu a Milaun l'exposiziun mundiala cun il tema «Nutrir il planet, energia per la vita». La manifestaziun svizra sut la direenziun da Preschientscha Svizra, ch'è ina partiziun dal Departament federal d'affars externs, è ina schanza unica da preschentar la Svizra cun sia diversitad culturala e natirala, cun sia capacitad da perscrutaziun e cun sia forza innovativa, en spezial en il sectur dal nutriment. L'exposiziun mundiala ha lieu directamain davant las portas dal Grischun. A l'Expo Milaun 2015 vegnan spetgads var 20 milliuns visitadras e visitaders. 75 pertschient vegnan a derivar da l'Italia, dals 25 pertschient restants stgars la mesadad da la Svizra. Questa occurrenza gronda che dura

6 mais pussibilescha al chantun da render enconuschent las fermezzas dal chantun Grischun ad in vast public talian ed internaziunal. En il rom da la debatta davart il preventiv da l'onn passà ha il cussegl grond approvà per quest intent in credit d'impegn da 2 milliuns francs per ils proxims 3 onns. La finimira è quella da cuntanscher il meglia effect extern ed intern ch'è pussaivel en quest rom finanziel. Quai cun la participaziun da partenaris politics, instituzionals e commercials dal chantun. En il center stat l'intenziun che la publicitad taliana, en spezial quella da l'Italia dal nord, percepschia il chantun Grischun sco vischin simpatich che ha purschidas turisticas, culinaricas e culturalas persvadentas sco er in l'economia innovativa e cosmopolitica cun bunas cundiziuns generalas. Ultra da quai duai vegnir eruidas pussaivladads co che la collavuraziun transcunfinala cun l'Italia dal nord po vegnir approfondada tras mesiras adattadas a chaschun da l'Expo Milaun 2015.

Preschentaziun cuminaivla da quatter chantuns

A l'Expo Milaun 2015 sa preschenta il Grischun ensemen cun ils chantuns Tessin, Uri e Vallais, cun ils quals i vegn giatgirada ina stretga cooperaziun en il rom dal program San Gottardo. Cuminaivlamain vegn concepì in local da 150 meters quadrat en il pavigliun svizzer, ed ensemen cun ils chantuns partenaris, ma er en moda autonoma, vegnan organisadas occurrenzas, scuntradas e preschentaziuns. Cun la participaziun sco chantun partenari uffizial en il pavigliun svizzer 2015 e sin la turnea svizra uffiziala 2014 che porta il titel «Il Giro del gusto» ha il chantun survegnì il dretg d'utilisar per sai differents localitads avant e durant l'Expo Milaun 2015. Questa pussaivladad han er ils partenaris interessads. Partenaris pussaivels dal turissem, da la cultura, da la perscrutaziun e da la furmazion, da l'agricultura e da la selvicultura sco er da l'industria e dal mastern èn vegnids orientads – a chaschun d'ina occurrenza d'infurmazion a Cuir – davart il stadi actual dal project e davart las pussaivladads ch'i dat per la preschentaziun.

La direenziun operativa dal project da la preschientscha grischuna a l'Expo vegn surpigliada da Markus J. Halziner da l'Uffizi chantunal per economia e turissem. Pli navant po la regenza quintar cun ils servetschs da l'antierur cusseglier guvernativ Claudio Lardi. El è pront da metter a disposiziun ses buns contacts cun l'Italia per questa missiun e represchenta il chantun en gremis strategics da la confederaziun e dals chantuns dal Gottard. A Claudio Lardi ha la regenza surdà in mandat correspondent.



In dals pavigliuns svizzers a l'Expo Milaun 2015.